

اسلام کتبخانه لری

مقدمه لری طوائف اسلامیه بیننده علوم و معارف شد یکی کبی
 متروک دکل ایدی . واقعاً حضرت عمر رضی الله عنه مقتضای
 وقت و حال اولان بعض مقاصد مهمه به منی سر عسکری بولنان
 عمرو بن العاصه اسکندریه تک ایکنجی کتبخانه سنک احراقی
 امر بیورمشیدی (معلومدر که بلده مذکور تک برنجی کتبخانه سی
 اندن یدی بوزسته مقدم قبصر روم زمانده قضاء محترق اولمشدر)
 فقط صکره لری بوشللو تدابیره مراجعت اولمقدون بشقه بالعکس
 نشر انوار علومه اعتنا قلمشدر . خلفای عباسیه دن منصور و هرون
 الرشید و مأمون عصر لر نده علوم و فنون اوروپاده بالکلیه متروک
 و منسی ایکن بغدادده زیاده ترقی ایتمشیدی . حتی قسطنطنیه به
 مخصوص آدملر ارسالیه یونان مؤلفرینک آثاره معتبره لری لسان
 عربی به نقل و ترجمه اولنوروا اکثریا محاربات ختامنده عقد اولنان صلحنامه لر
 بر مقدار کتب یونانیه اعطاسی شرطی دخی خاصه درج
 ایدیلور ایدی

خلفای عباسیه تک بغدادده تأسیس ایش اولد قلمری کتبخانه
 و مدرسه لر حقیقده چوق معلوما تمیز بوغیسه ده مؤلفات موجوده تک
 فوق الغایه کثرتی شوندن اکلا شیلور که ۶۵۷ سنه هجریه سنده طائفه
 تاتارک بغدادی استیلا سنده کتب مدخره دجمله به القا اولمش
 و بوندن درون نهرده بر ریختم پیدا اولوب اوزرندن پیاده و سواریلر
 مرور ایتشلردر

مغرب و مصر و اندلس و الشام و بخارا و سمرقند و سایر ممالک اسلامیه ده

كرك خلفای بغداد ره رقابت و كرك انلره اطاعت ایدن سلاطین و امر انك
اکثرینی علوم و فنونه رغبت و کتبخانه لر و مدرسه لر انشاسیله
کسب شهرت ایشلاردن. خلفای مصریه نك قاهرده واقع سیرایلرند
بولتان کتبخانه لر قرق اوطنه دن مرکب اولوب برملیون الی
بوزیک جلدی مشتمل ایدی. بونلرك ایچنده مؤلف خطیله پك
چوق نسخ تفسیه موجود اولوب جله سی حسن خط ایله یازلمش
وجاهد لی زروسیم و مجوهرات ایله مزین ایدی. خلفای مشار
الیهمن دن مستصر باللهك او اخر سلطنتنده یعنی درت بوزیتش
اوج نارنجنده وقوعبولان اختلالده ایشو کتبخانه یی عسکری طائفه سی
یغما ایدوب نداخلده قالمش اولان علوفه لرینه محسوب کتاب المشاردر.
وزیرك دخی حکومتن مطمو بی اولان بش بیک دینار (درت بوز قرق
کبسه) مقابل کندوسنه بوز بیک دینار (طقوز بیک کبسه) قیمتده
کتاب ویرلمسنی خلیفه امر ایتش اولد بختدن کتبخانه دن قوناغنه
بکرمی بش دوه یوکی کتاب نقل اولمشدر. بعده وز بر مشار الیهك قوناغی
یغما اولند قده کوله لری مذکور کتابلرك جلدلرینی قو پاروب پاچ
اعمال و اوراقنی دخی احراق ایشلاردن. برطاقی دخی نیله انداخت
و باخود حرق اولنده رق اتلاف اولمش و قصوری قاهره
جوارنده اوتده بروده خر منلرکی بغلیوب قالمش و مرور زمان ایله
اوزلرینی قوم و طیراق قاپلیوب بوندن تیه جکر تشکل ایدرك مدت
مدیده کتاب تیه لری اسمیله زبازد اولمشدر

خلفای مصریه نك ذاتلرینه مخصوص اولان کتبخانه یه بو وقعه ده
طوقلمیوب حالی اوزره قالمشیدی. بونده اجزادن ماعدایوز بکرمی
بیک مجلد وار ایدی. خلفای مصریه نك انقراضندن صکره کتب

مذکوره سلطان صلاح الدینه انتقال ایلدی . مشار الیه دخی دائماً
جنگ وجدال ايله اشتغال ایدوب علوم و معارفه رغبتی اولد بغدن
مذکور کتابلری صاندیردی

عربلرک اندلسده اجرای حکومتلری زماننده ادبیات و صنایع خبلی
ترقی ایتشیدی کرک قرطبه خلیفه سی و کرک ملوک سائره مرکز حکومتلرنده
دارالفنون و مکتبلر تا سیس ایدوب بونلردن مستنصر لقیله معروف
حاکم ثانی ممسالك شرقیه ده علم و کمال ايله مشهور ذواتی نزدینه جلب
ایتد کدن بشقه کتب نفیسه مباحعه و استنساخ چون افریقیه و مصر
و ابرانه مخصوص مأمورلار سال ایدر ایدی . سراینده هر درلو علوم
و معارفه دأر التیوز بیک جلد کتاب اولوب بونلر علوم ترتیبی اوزره
برقاج دائره به وضع اولمش و برخیلی سنی بالذات کندوسی شرح
و تفسیر ایتشیدی . کتبخانه مذکوره موجود اولان کتبک اسامی
دفتری قرق درت جلد اولد بخی مرویدر .

ارو با اهلایسی هنوز ظلام جهالتده ایکن بغداد و قاهره و فاس
و قرطبه شهرلری منبع معارف اولوب حتی مشهور روم با پار دن
ایکنجی سیلوسلر ابتدای تحصیلنده اندلسه کیدرک عربلر دن علم
هندسه تعلم ایتمش و عود تنده دائره و زاویه رسم ایتد یکی ایچون
کندوسنه سحر نظر یله باقمشیدی .

اندلسده خلفای عربک انقراضیله برلرینه کلان قرالر و انسیا و اشبیلیه
و غرناطه و محال سائرده کتبخانه لر تا سیس ایدوب اسباب نیاده
موجود اولان کتبخانه لرک عددی یتشه بالغ اولمشیدی . اشوانار
برقاج دفعه خر سنیا نلر طرفدن تخریب اولوب بزمقداری اسقوربال

سراینه نقل قلمشدر

تواریخ شرقیه ده مسطور کتبخانه لرك اك جسمى طرا بلسده
بعض ملوك اسلاميه ك ترتيب ايش اولد قلری كتبخانه در كه اوج ملیون
جلدی شامل اولوب بونلرك ايجنده اللی يك مصحف شریف و بکرمی
يك كتب فقهیه و ارایدی . اشبو كتبخانه مشهور بر مدرسده به
مربوط ایدی و موظف اوله رق یوز نساخی اولوب بونلرك اوتوزی
كیجه و كوند وز كتبخانه ده بونلور ایدی . بوندن قطع نظر اثار
نفیسه و نادره تدار كیچون ممالك اجنیه به مخصوص مأمورلر

ارسال اولور ایدی

اول ائشاده طرابلس شام مرگز علمای عالم اولوب بیک
یوز طقوز سنه سنده اهل صلیب شهر شهرمذ کوری استیلا
ایند کد، کتبخانه سنده بونان اثار دشمنك موجب حیرتی اولمیشیدی .
اولوقت اهل صلیبدن بریسی بالتصادف مصاحف شریفه به
مخصوص دائره به کربوب الله الدیغی کتابلرك جله سی قرآن
کریم اولدیغنی کوره رك كتبخانه ده مصاحف شریفه دن بشقه
کتاب اولدیغنی اعلان ایلمسی اوزرینه خرسیتیانلر طرفدن کافه
احراق اولوب قورتاریله ییلان دخی ممالك سائر به منشراولمیشدر
مشاهیر علمادن ابوالقاسم اسماعیل صاحب ابوعبادك كتبخانه سنه
نظرا اصفهان و شیرازده دخی وقتیه دولت كتبخانه لری موجود
اولقی کر کدر . دیاده هیچ بر فرد مومی الیه قدر جسم كتبخانه تشکیل
ایتمیشدر . هندستانده مغول دولتك حین انقراضنده دهلی كتبخانه سنده
بونسان بر کتا بدن سائرلرك اهمیت و قیمتی اکلا شبله بیلور . اشبو
كتبخانه ده اکبرخانك خط دستی اوله رق بر عین اکبری کتابی

واریدی که بودند قرق سنه اقدم لا نقلس نام ذات متروکاتک
 حین فروختند، اون التی بیک ایکی یوز فرانقه صالتشدر
 ممالک عثمانیه ده عربلرک و ایرانیانک تشکیل ایشد کبری کتبخانه لر حسانه منده
 کتبخانه یو غیسه ده بیک یدی یوز اون طقوز سنه سنه سلطانی
 احمدخان ثالث تأسیس ایدب مؤخرأ ا خلا ف کرامی طرفندن
 توسیع اولنان کتبخانه لا اقل او توز بیک جلد کتابی شاملدر
 بودند ماعداد در سعادتده برچوق مدارس ایله سلطان محمد
 و سلطان سلیمان و سلطان بایزید و سلطان عثمان و سلطان
 عبدالحمید و والده سلطان و کوریل و ابراهیم پاشا کتبخانه لری کی
 اون بش باب کتبخانه اولوب بونلرک هر برنده ایکی اوچ بیک جلد
 کتاب وارددر. اها لسی الیوم همان بادیه نشین عربان کی حال
 جهالتده اولان فاس و مغرب شهر لر ائنده قرون متوسطه ده
 جسم کتبخانه و مدرسه لر موجود ایدی .

(سید علی ابن امباسوی)



سویش جدوانه دائر (مونیتورده، فلاوت) غزته سنده کوریلان
 بر مکتوبک ترجمه سیدر

مصرده اقامتدن استفاده ایله سویش جددو لنی تماشا یه گتدم
 و قنالك بر باشندن بریاسنه یعنی سویشدن سعید لیمانه قدر کشت
 و کذار ایدرک عملاتک فوق مایه تصور ایلرولمش اولسنه
 تعجب ایتدم

بویله بر خطب جسمی تصور ایله قوه دن فعله اخرا جیچون دخی